

Gij Doxgaiq Bouxvunz Noix Mbouj Ndae Haenx

人不能缺少的东西

上林县大丰镇皇周小学四年级一班 李慧



Bouxvunz mbouj ndaej noix gijmaz ne? Mwngz gojnaengz naeuz dwg gij ndeigwn haenx, mwngz gojnaengz naeuz dwg gij ndei guhcaemz haenx, hoeng gou naeuz dwg “saw”!

Vunzraeuz noix mbouj ndaej saw, saw lumj dwg aen bakdou doengcoh gizndei haenx. De rox daiq mwngz bae gizdieg gvangqlangh haenx, bae yawj gij doenghnaz muengh mbouj raen haenz haenx, bae yawj gij

ndoengfaex haenx, bae yawj gij saenzgeiz ndaw raemx; de daiq mwngz bae aen seiggyaiq gohyoz, bae lwnh mwngz bingzgoj vih gijmaz rox doek roengzdaeuj? Doenghduz vih gijmaz rox dai……

Saw mboujmiz sengmingh? Mwngz itdingh naeuz mboujmiz, hoeng gou naeuz saw miz sengmingh! Cijaeu mwngz nyinhcaen dijvei, mwngz couh fatyienh de cingq caeuq mwngz gangjvah, lwnh mwngz gij dauhleix laeg haenx.

Saw couh dwg aen ranz cang rim baujboiq he, gij yaekseiz hai aen ranz haenx couh dwg doegsaw, de hawj mwngz lumz gij youcouz bae.

Saw hix dwg baengzyoux mwngz, mwngz siengsim seiz, de ndaej nai mwngz; mwngz mbwq seiz, de ndaej caeuq mwngz gangjgoj, hawj mwngz angqyangz hwnjdaeuj.

Neix couh dwg saw——bouxvunz mbouj ndaej noix haenx!
(指导老师:蒙汉奇)

Dauqdae Raed Mbouj Raed Byoem

到底剪不剪头发

德保县都安中心校四(1)班 梁静

“Cing ha, vaiq hwnqdaeuj, yaek cizdau lo……” Gou dap le sing ndeu, fan mbat ndang ndeu youh ninzndaek lo. Daxmeh yawj gou mbouj doengh, couh rag gou hwnjdaeuj naeuz: “Vaiqdi, caiq mbouj hwnqdaeuj couh mboujmiz seizgan roi gyaueuj hawj mwngz lo!” Lijndei daxmeh dinfwngz vaiq, gou hanh lae byombyom buet daengz hagdangz, caeklaiq mbouj cizdau.

Ngoenz singhgiz, daxmeh naeuz: “Cing ha, raed byoem mwngz bae ba! Byoem mwngz youh lai youh raez, moix ngoenz roi gyaueuj cungj aeu yungh cib lai faen cung lo……” Mbouj caj daxmeh gangj sat, gou couh gipmuengz naeuz: “Mbouj raed! Gou cix mbouj raed ne!” Daxmeh youh naeuz: “Cing ha, mwngz lij dwg raed bae ba, yienghneix mwngz moix ngoenz couh ndaej lai ninz cib faen cung lo.” Gou dingq le ngauzngauz gyaueuj naeuz: “Lwgsau raed byoem le couh mbouj gyaundeidei lo, caiq gangj hwnj daiz biujyienj couh lwnz mbouj daengz gou lo. Ngoenzcog gou hwnq caeux di couh ndaej lo.” Daxmeh, daengz ngoenz daihngai, gou youh hwnq mbouj ndaej lo……



Miz ngoenz ndeu, daxmeh doiq gou gangj:

“Cing ha, mwngz roxnaeuz ndang mwngz vih gijmaz yienghneix ca lwi?” Gou ngauzngauz gyaueuj. “Neix dwg caeuq byoem mwngz mizgven.” Gou geizheih dwk yawjyawj daxmeh. Daxmeh youh naeuz: “Gou naeuz mwngz nyi, byoem rox ndoet lwed, daegbieg dwg lumj byoem mwngz youh lai youh raez haenx, ndoet gij lwed engq lai.” Gou doiq gij vah daxmeh buenq saenq buenq mbouj saenq, cijndei gangj: “Singhgiz laeng caiq raed ba!” Gou fan sat gij saw ndaw ranz, hix ra mbouj raen “byoem ndoet lwed” gij gohyoz yihgi haenx, gvaq le geij ngoenz, gou bungzdaengz doengzhag daxmeh Vangz Hing, de dwg boux canghyw, gou couh cam de, de riu dwk naeuz: “Mboujmiz yiengh gangjap haenx. Daxmeh, byoem rox ndoet gij yingzyangj ndaw ndang vunz, daegbieg dwg gij byoem youh lai youh raez couh ndoet engq lai. Vunz ndang mbouj ndei, mbouj wnggai laeuz byoem raez.” O! Yienzlaiz dwg yienghneix ha!

Daxmeh……Ai! Gou dauqdae raed mbouj raed byoem gou ne?

(指导老师:赵连佩)



Fwn Doek Lo

下雨了

上林县大丰镇皇周小学二年级一班 黄长卫

Fwn doek lo, gou lij youq ndaw gyausiz. Sawqmwh dingqny “dida dida” sing yiengj. Yi, dwg bouxlawz danz gimz baenzneix ndeidingq ha? Gou riengz gij singyaem byaij ok gyausiz. O, yienzlaiz dwg fwn doek lo. Gij fwn daj gwnzmbwn doek roengzdaeuj, doek youq gwnz bungz, fat ok gij singyaem ndeidingq neix. Gij fwn lij doek youq gwnz gofaex, dawz mbawfaex swiq ndaej seuqsetset, mboujmiz saek di faenz; gij fwn doek youq gwnz nywj, hawj gij go’ nywj yaek reuq haenx ndaej ndoet raemx; gij fwn doek youq gwnz va, gij va hai ndaej engq ronghsien. Lijmiz gij fwn cabheiq haenx, gyoengqde youq gwnzmbwn veh diuz sienq gyaundeidei le, couh caj mbouj gib dwk coemj haeuj ndaw rung daihdeih daxmeh bae.

Gou gyaenz fwn doek, gyaenz gij sing’ yaem de, gyaenz doengh gij neix.
(指导老师:李文杰)

Riuj aen swx haeuj suen
Saekrongh ciuq najhoengz
Aen caeuq aen doxdoengz
Gag mbaet gag haengjheiq
Gya’ gya miz ceiqliq
Souhyiz ngaenz geij fanh
Mbouj gangj naeuz hwnj louz
Gyauzceh cungj ndaej cawx

Eu fwen hawj dangj dingq, saedcej yied gvaq yied gyaundeidei, gak boux lauxsae, doengzhag, sou ndei! Ngoenzneix gou yenjgyangj daezmoeg dwg 《Saedcej Yied Gvaq Yied Gyaundeidei》.

Gou dwg dahsau Bouxcuengh he, bineix cibngeih bi, seizneix, rumzcin gensez doxhuz sevei ci gvaq moix aen goxgex gwnzsingz caeuq lajmbanj. Yawjraen mbanjranz bonjfaenh gou bienq ndaej baenzlai gyaundeidei, gou angq raixcaix. Danghnaeuz mwngz

Saedcej Yied Gvaq Yied Gyaundeidei

日子越过越红火

武鸣县太平镇庆乐小学四年级 黄鑫燕

siengj liujgaij gij bienqvaq lajmbanj, couh cingj mwngz daeuj mbanjranz gou ba!

Danghnaeuz mwngz daeujdaengz ndaw mbanj gou, mwngz couh yawjraen gwnz gensinh gvangcangz gvangqlangh haenx, bouxlaux lwgnyez youq gizhaenx ciengqgo, diuqfoux, gangjgoj, dwkgeiz, nauhyied dangq-maz; mwngz couh yawjraen roen-mbanj seuqcengh youh cingjceiz; mwngz couh yawjraen gyoengq vunzlaux mboujmiz lwglan haenx youh

ndaw yangjlauyen yiengjsouh gvanh-vaiz dangj couh cwngfuj gvaq vuenyungz vanjniengz swnghhoz; banhaemh, gyoengq vunzbanj yawj giuzsai, ciengqheiq, yiengjsouh vwnz-va swnghhoz fungfouq…… Dauqcawq coux rim sing doxhuz.

Yawj, swnghhoz geijlai vuen-yungz geijlai diemz! Cingj dingq gou eu fwen:

Bouxlaux naengh denceh
Vunzmeh gwih mohdoz
Gvaq vuenyungz swnghhoz

Yangjloz sevei moq

Cawj haeux denfangoh
Cauj noh denswzluz
Laeuj ndei diemz daengz hoz
Gvailoz daengz fouzbeij

Louz sang suijnizloh
Swngghoz caen soengyungz
Lajmbanj fouq hinghlungz
Mbouj lumz dangj lingjdauj

Gyoengq lauxsae doengzhag, hawj gyoengqraeuz buenx rumzcin doxhuz sevei, daj gou guh hwnj, daj saeh iq henzndang guh hwnj, gak minzcuz beixnuengx fwngz rag fwngz, sim lienx sim, itheij dajcaux mbanjranz gyaundeidei doxhuz raeuz.

(指导老师:刘艳欢 黄凤娇)